

修州志

卷之三

奇嵐州志卷之九

人物志



奇嵐地居邊鄙服本要荒僻且陋矣安必節義

貞純之士女出乎其間然而蘆山聳峙乎東

漪水環帶於西南大造彌綸精華有時而必

扶輿磅礴靈秀隨地而皆鍾故飭紀敦倫從

不二有可表厥姓氏而紀其事蹟者不忍與草

木同腐朽焉

鄉賢



(24355)

.. Q1000

奇嵐州志

卷之九 人物

隋

陶世謨 尚嵐人煬帝時漢王諒作亂本州刺史喬鍾馗將兵助之世謨諫目明公爲一州刺史社稷蒼生之望也今諒謀不軌義當請討否則固圍以觀喪奈何以身助叛黨乎馗怒欲殺之世謨曰汝安能以兵脅我耶大丈夫甯死義耳馗壯而釋之今祀鄉賢

宋

折御卿 尚嵐人爲府州經畧復宋所失州縣十處後疾母命請告御卿曰世受國恩邊氛未靖何敢偷生自便爲白太夫人幸勿我念忠孝豈能兩全乎及卒以其子折惟正知府州御卿心宋之心可謂至切諸葛武侯曰鞠躬盡瘁死而後已御卿有焉  
折克行 御卿之後善用兵所向克捷經畧河右爲金人所畏望見旌旗卽避後侵涇源

克行大敗之常屯兵天都缺餉開涇河轉輸軍需充給

元

郭周 尚嵐人也勇敢善戰爲六州都元帥鎮守東川黃道川風洞口賜金牌詳具墓碑今祀鄉賢

明

王鼎 州人知永城縣事會流寇破城罵賊不屈死贈光祿寺丞廕一子王寔授永平府檢校詳具孫太史墓碑今祀鄉賢

李炳 衛世家事繼母以孝聞性聰慧詩歌文藝下筆立成萬曆壬辰進士初授元城知縣居官嚴明胥吏凜凜不敢訛法治行藉甚舉天下循吏第一擢儀部轉關內道未任卒於

家今祀  
鄉賢

孝義

金

王忠立

州人負志奇偉不樂仕進嘗曰予言有似梟鳴出口人輒惡之有司屢荐不就常避蕭荻中歌采薇之詩妻亡不復娶曰夫婦乃剛常大義吾不欲縱欲以亂人道多與奇士遊彈琴奕棋終日坐茂林中遇晚卽卧木上後卜蘆茅山結廬以居更名雲鶴頗有商山富春之致許衡視此有愧色矣

明

栗仲仁

善醫妙譜脈理天順六年歲歉出家粟四百石以賑饑者後成化二年荐凶復

獨粟拯之里人賴以舉火甚衆有司多其義聞於朝授將仕郎九品散官樹綽楔以旌之

楊春茂

萬思閭人性至孝事父母承顏視志大不類於細民後父年髦母先故而茂奉之更謹里人稱焉會直指使至苛嵐廉得其狀旌以匾表爲孝子之門且給粟曰吾以風世也乃父行年九十而沒

國朝

生員史韜光

徐良都好善樂施人也乾隆四十八年歲大祲捐粟一千餘石以賑

饑者所活甚衆知州蔡廷弼給匾以旌其門曰義篤桑梓嘉慶十八年歲又饑仍捐粟一千餘

石以濟之里中得以安全知州王照給以匾曰惠里敦仁

生員李世德

玉龍都人不茹葷好誦帝君覺世經居南鄉舍窠村前卽大鹿灣爲



苛嵐興縣行人往來大路夏施茶水冬捨裘衣  
濟渴濟寒不獨里人稱頌卽鄰境亦感戴焉六  
十九歲無疾而終大鹿  
溝有施茶捨衣碑記

**郭良棟** 本城人二十四歲選拔因家計甚艱兼  
習醫術脉理甚精時採本山藥材躬親

炮製活人甚衆道光十三年知州丁雍熙給以  
學兼虛扁匾額又隆冬大雪時百鳥無食親赴  
城上散粟濟物後歷署絳垣

二縣教諭五十三歲而終

**王元吉** 東關都人善外科常在仙人澗精鍊靈  
丹無論貧富施藥不受錢債子際昇祕

術傳家不改父風鄉人感  
之贈以妙手回春匾額

節婦

宋

**楊業妻折氏** 業初名劉繼業仕北漢任捷爲節  
度使娶折德辰女後歸宋賜姓楊

折姓敏慧嘗佐業立戰功號楊無敵後業戰死  
於陳家谷潘美王侁畏罪欲掩其事折上疏辯  
夫力戰獲死之由遂  
削二人爵除名爲民

**王稟妻孟氏** 稟府州人娶於苛嵐稟後爲太原  
總管金黏沒喝陷太原稟力戰知

不可爲負太祖像死汾水中孟日妻以  
夫爲天夫死我詎有生理亦投水死

明

**生員張大紀妻武氏** 嘉靖間寇臨城下時武在  
鄉聞報同夫犇城路遇寇

夫死之武日夫死我  
何用生爲遂投崖死

**王烈姐** 年十七字武助未及嫁而寇亂以死自  
誓後爲寇所獲堅不肯從賊怒甚砍之

且碎其屍而去

康宏業妻葛氏

葛生十六而歸康越三年業病不起頻目葛葛曰夫得毋疑我有他志耶泣而斷髮夫乃瞑水梁不入口者三日比葬輒哭於墓所尋投縋死之

生員李厚幣妻張氏

幣卒氏年少誓不他適訓

艷亦死又撫其孫自強成茂才年八十乃歿監司旌焉

生員秦知章妻何氏

年二十六章死寡居五十載始終一致撫三子俱成

立憲司旌其門

張鵬妻吳氏

二十四歲夫病死矢志守節備嘗艱阻了無幾微不平意諸孫補太

學生爲博士弟子者六七輩有旌表

茂才王定妻李氏

年二十三定卒遣子納諫未踰歲家甚窶厲志教子納諫

稍不若輒泣數行下讓之居無何納諫廩於庠又卒復訓孫道成輩俱成名年九十三卒朝廷

旌之

王氏張大整妻

整死兵王年才二十五歲子定三齡耳撫孤成立卒以節終

牛惠妻許氏

惠以兵死子斗山方二歲家甚貧頃之斗山亦死育其孫可用曾孫

志仁俱爲邑諸生年九十一而卒直指旌其門

賈東周妻潘氏

東周死寇潘終日哀泣雖至戚罕覲其面後竟以悲死子謨中

武進士孫攀龍化龍俱遊太學

常懷卿妻岳氏

卿死於酒岳切痛之苦節自矢壽八十三而後歿子潮有孝行

舉鄉飲  
佐賓

生員陸登驩妻王氏

驩患足癰醫藥無效王爲  
吮之終不能全夫死王亦

死

梁氏明經王道新妻

新故遺三子窮楚萬狀一  
志守節後長子繼祖中崇

正癸酉榜由戶部分巡南瑞  
兵備道子姓多側名儒林者

生員王三樂妻姚氏

樂故姚矢志守節子元士  
裁離襁褓撫育成立年七

十餘監司  
旌其門

郭漸妻呂氏

年十六適漸方歲餘漸歿呂哭不  
輟聲入室睹物觸目生悲翁姑慰

止之終不能自抑竟以哀死乃祖呂  
大堂撫屍痛曰嗟乎吾兒事畢矣

賈振妻袁氏

二十歲嫠居至八十一  
乃卒撫子延用成立

生員李灼妻賈氏

灼亡遺孤方數歲賈躬操井  
白課子守節後子在登爲太

學  
生

國朝

李元詩妻閻氏

詩亡閻方綺歲委志所天義矢  
靡他撫遺腹子士選耕讀兼課

守節七十餘年  
士選廩於庠

生員油棟皇妻張氏

棟皇蚤世張年二十餘食  
貧厲志守節撫孤壽已八

十子煥  
成庠生

馬氏李鵬麟妻

十七歲子歸越三年而夫死明  
誓所天撫孤矢志茶苦備嘗鄉



里咸欽其節卒年七十有二

王氏岳鍾秀妻

年十七歲于歸二十九歲夫死家計蕭條氏事孀姑每有甘旨

必敬奉之已茹粗糲安之若素姑嘗語人曰此媳與吾為命非此無以終餘年戚族咸信之守節六十八

歲而卒

趙氏雷作富妻

二十五歲夫亡度日艱難饗殮不繼人每以他適勸氏曰從

一而終婦人之義未亡人惟知上事親下撫孤耳其他不願聞也苦志守節年八十而卒

王氏白文學妻

年十七于歸二十九夫死姑患

卧病氏事奉周至不惜典質簪珥以供醫藥每夜默禱神前願以身代及歿治喪事尤盡哀盡禮鄉里稱以為難卒年六十

有

章氏張模妻

十五歲于歸二十三歲夫故事奉孀姑必敬必恭克盡婦道矢志守

節年七十而卒

曹氏劉秉義妻

年十七歲于歸越三年而夫死氏能和睦上下凡事先勞後食

不辭辛苦家庭之間藹如也守節七十一而卒

曹氏樊守義妻

年二十歲夫故矢志守節閨門嚴肅年七十有餘猶勤儉不怠

韓氏李有富妻

年十七歲于歸二十七而寡誓志不貳辛苦撫孤卒年八十有

四

高氏樊富成妻

二十七歲夫故清貧自苦矢志不移年八十歲卒

劉德源妻

三十歲而寡家雖貧苦不二其志終身持素不出閨門年七十



歲而卒

郭氏雷玉安妻

二十六歲夫故氏堅志孀守  
儉殖家事親撫孤不愧孝慈年

六十有六而卒

牛氏陳景安妻

十七歲于歸夫死氏年二十九  
歲矢志孀守艱苦備歷勤殖家

業壽七十  
五而卒

趙氏范良彥妻

年三十歲夫故氏上事翁姑下  
撫弱息能於集蓼茹茶中行其

孝慈其節可云貞  
矣壽七十五而卒

杜氏曾應蛟妻

年二十九歲而蛟亡氏甘貧  
苦矢志惟堅卒年七十四歲

王氏劉德潤妻

年三十二而寡氏矢志孀守不  
渝堅貞勤心有兒曲盡勞愛卒

年七十  
有六

增生油希元妻劉氏

十八歲于歸三十而夫亡  
矢志孀守堅貞不渝撫子

三長子成庠生次子成廩生  
諸孫繁衍年七十有一

生員郭奏勳妻史氏

徐良都貢生述班之女也  
十七歲于歸二十五歲夫

死無子撫一女未成人勸以他適氏曰上有孀  
姑相依為命敢有二志守節奉姑孝敬倍至數

年之後憂鬱成疾而亡族  
人嘉其有志靡不悼歎

隱逸

明

徐行

衛人本庠廩生性彊記為文灑灑千百  
言立就志行純篤教人有法尚嵐治大

小戴禮者胥出其門屢頓棘闈卽謝諸生籍歸  
居草野讀書自娛年八十餘手不釋卷子瑤除  
永平府授佩丞無錫  
其忠厚咸有父風云

王繼臣

州人講陽明甘泉之學議論多出人意  
表穆侍御按臨至州諸生迎道左繼臣

獨隱樹後按院呼而責之繼臣曰方今大同兵  
變邊鄙多虞非天下無事時也明公不聞詢及  
一言奈屑屑與一書生較短長耶穆默然寥宗  
師校士岢嵐講不貳過一章繼臣曰紫陽註亦  
有誤處今云過於前者不復於後是矣乃註仁  
則曰顏子不能不違於三月之後豈非自相矛  
盾乎學台題之亦能詩家貧處之裕如卒於  
旅邸其子不能舉喪友人慕其義而葬焉

李重熙

諸生貧至不能給饘粥借棲西山寺日  
事鉛槧冬不爐夏不扇足跡不入城市

尤明於取予臨財不苟嘗有句云聖賢渡口休  
行錯義利關頭要認真蓋自道也後竟齋志而  
歿

僑寓

明

張漢

湖廣承天府人正德甲戌進士官兵部  
侍郎總督宣大等處時嚴嵩擅權凡總

鎮例餽千金獨無所遺嵩銜之又先是公在本  
兵嵩屬除周徹爲兩廣總督不從至是因公條  
陳選將練兵等疏嵩遂乘隙中傷遺戍鎮西衛  
公跨蹇宵征途次供具一切謝絕抵衛戍服荷  
戈下與老兵爲伍平居兀坐一室彈琴讀書暇  
則與諸生講學論藝而已客至所談皆經史大  
義平生孤忠自矢及忤奸獲罪之  
由絕口不復道居十八年卒於衛

方技

明

白

能

精繪事兼通書史永樂初詔至京師賦以畫悅之給冠帶厥後有白我心者

能世其家云

崑崙州志卷之十

風土志

古者讀法懸書屬之州黨陳詩納賈命以太師  
凡以觀民風成民俗而貞淫奢儉美惡盛衰於  
是乎見崑環萬山以居民固瘠土也語曰沃土  
之民多逸瘠土之民多勞勞則思思則善心生  
故論崑者觀其耕石傍崖懸鶉茹淡知猶有唐  
俗勤儉之遺今逢

國家承平二百餘年仁漸義摩之化洽髓淪肌復



賴良司牧因勢利導漸次轉移風俗大爲之不  
變驅嚴治易所由來歟

民風

民性懦偏儉嗇凡遇施與尙慳吝不見慷慨意有  
小忿則茹之非甚難忍絕不與訟日用飲食最  
安簡樸雖與冠裳之會服有不備此豈人之大  
較也近來流風日異侈靡漸開至有游手蕩佚  
而不顧師長之教訓者風緣氣變習與性成是  
在觀世者當預爲之防云

地界萬山中甚磽瘠耕稼而外別無生理舉火尤  
艱鄰境雖有石炭價值貴且負販罕至民間惟  
資積薪而已歲每於納稼後卽沿山刊木以備  
爨火之用是急此豈民力役之征所由皇皇也  
又苦寒嚴冬風猛非裘服無以禦至春夏猶或  
不解卽婦女亦間有衣之者噫豈民亦可憫哉  
三時作苦終歲猶勤啼饑相聞號寒誰遣司風  
土者尙其軫念於斯

禮儀

冠禮男子二十而冠女子十五而笄固古禮也但沿習至今未聞有行之者

婚禮始曰求婚使媒妁詣女家請庚然後行定儀用釵釧服飾備送女家請期後卽不行聘及良辰婿不親迎惟請男女儂價各三四人或一二入往來迎送新婦至門女儂價引入門及堂堂前陳設香案婿與新婦行交拜禮謂之拜天地導引入房共牢合卺次日不廟見謁拜舅姑會諸戚黨徧拜女家餽女餉舅姑婿家亦備禮物謁拜女家父母謂之謝婚後三日或四日婿偕新婦同歸女家謂之回門

喪禮疾病多延醫巫始死哭乃成服散髮跣足殮以入棺粉書靈牌表於外次夕孝子奉靈牌用鼓樂親詣城隍廟敬香紙謂之告廟三日飯僧誦經謂之暖靈戚黨來相哭奠引將發先期一日設主受弔親屬各醵金香楮跪奠於靈座前亦有遵行家禮以祭者相禮延用儒生成主邀請紳耆然其儀總多脫畧送葬則祖奠於中途

亦有出城闔而至墓所者孝子取括麻棄之謂  
之收頭既葬封以馬鬣不樹表之以石至若崇  
尙浮屠屢諷佛懺久停親柩妄擇牛眠編氓無  
可責矣讀書明禮之家猶不知返俗習之移人  
甚矣哉

祭禮凡祭必於其祠祠必定以時朱子家禮久廢  
不講矣士庶人無宗祠惟設主於寢元旦日設  
殺以祭之清明節七月十五十月初一冬至節  
各以果食酒餚楮紙祭於墓所以盡薦其時食  
之禮記曰祭所以追養繼孝也豈人於此亦見  
其一端云

士亦知讀書而甘於暴棄一衿已青卽隳乃業微  
特富家緣於父兄姑息而然寒峻子弟間有可  
造亦因憂貧而無志攻書此科目所以寥寥也  
然則狂瀾旣倒誰作中流砥柱是在良師友賢  
父兄相與挽其頽風耳

農地廣人稀耕作必藉佃戶每歲所獲分給其半  
其餘所收僅足以糊一家之口千倉萬箱地所



罕聞苛民安得不儉卽安能不苦

工俗尙勤儉器用麤質雖有工作取值無多而日用難以養贍此奇技淫巧於苛知其必無

商居民多勤稼穡業商賈者皆屬外鄉之人卽間有一二小販亦僅以貨粟相易難於值錢此鄉村之民所以鮮坐賈也

歲時

正月元旦夙興燃燈爆竹祀天地祀中雷祀竈暨祖先禮畢家長督率子弟登堂拜節遍拜族黨

三日如儀十五夜張燈結彩燎炭火放花炮演雜劇以遊街謂之鬧元宵一月內居家男婦往來酬宴謂之吃節飯

二月二日燃糕燈謂之引錢龍清明節拜掃先塋焚楮紙供餅餌前三日不舉烟火各備冷食以遵寒食古風

三月三日城鄉婦女結伴遊春謂之踏青

四月八日各廟僧人沿戶募化爲浴佛會

五月五日爲端午節繫彩縷戴艾飲雄黃酒復以

角黍相餽

六月迎神賽社城鄉虔祀龍神伏日男女出郊遊  
翫謂之遊伏

七月七夕於中庭陳設瓜果書生執筆女子穿針  
謂之乞巧十五日鬼節拜掃祀先與清明節同  
八月十五祀月供月餅陳花瓜果品邀客相飲謂  
之翫月

九月九日飲菊酒食棗糕相偕登高謂之遊重陽  
節

十月一日赴祭祖塋陳醴設脯剪紙掛旛謂之送  
寒衣

十一月冬至儀如元旦而祀禮微殺

十二月八日雜米豆棗栗煮之名爲臘八粥鑿冰  
釀酒以勞終歲各廟寺亦煮粥爲浴佛會二十  
三夜以糖祀竈神除夕易門神換桃符家人相  
集守歲

土產

五穀之屬

麥 莜麥 燕麥 菽 穀 稌 黍 麻  
黃芥 火麻 秫 苡麥

蔬之屬

蔓菁 芥 莧 蒼蓬 窩苣 韭 芹 菜  
蕪 蕨 菌 龍芽 葫蘆 荊針 木耳

果之屬

櫻桃 榛 李 山梨

藥之屬

沙參 黃耆 藁本 葶藶 蒼朮 藤黃

天仙子 地榆 柴胡 黃芩 前胡 荊芥

知母 秦艽 薄荷 防風 益母 赤芍

木賊 牛蒡子 紫草 茜草 紅藍花 白

芍 馬兜鈴 款冬花 百合 甘草 郁李

仁 枸杞 升麻 酸棗仁 山查 黃連

野黨參 山大黃

禽之屬

鳧 花豹 訓狐 鸚鵡 鸛 布穀 啄木  
雉 鳩 鴿 鷄 鶩 燕子



獸之屬

狼 狸 兔 山猪 鼯鼠 麀 獾

花之屬

芍藥 薔薇 玫瑰 葵 蓼 石竹 葎草

捲丹 菊 鳳仙花 雞冠 雁過紅 六月

菊

木之屬

松 栢香刺二種 樺木 榆 柳 楊 棕樹

杆 檜

續曰周禮詳冀州之地其利松栢其物宜毛其畜牛馬其穀黍稷尙當冀之西鄙常產而外若瓜茄棗栗杏桃諸物不生其間何地之苦而民之貧也又况岩谷荒寒桑蠶無植土田瘠薄棉種難成守斯地者非特糊口見其惟約亦且章身慮其不完儉嗇褊急有自來矣然則山足木而材勝用澤足魚而食自肥磽确如尙安問方物之有可珍哉

祥異

宋

政和三年產連理杏

見藝文

元

至元間州民某行年六十室家子女熙熙也一日延醫視疾曰鬼無命門脈今公乃爾殆非人也疾者曰君言良是元政不綱諸神曠職故多托形人世今既爲君識破余從此逝矣遂卒

見徐

氏手抄及王同甫耳談

明

成化

六年嘉穀生

一莖五穗

二十二年大旱饑人相食

正德

三年夏大水漂沒民屋暨人

十年天雨魚食之殺人

嘉靖

八年甘露生

十年雨雹大如掌

十六年蝗

二十九年黃塵蔽天晝晦

三十一年地震

三十五年城東道左置甲冑以十數製殊大頃  
之不見

萬曆

八年大疫

十五年霜殺禾大饑僵屍載道

十六年天鼓鳴凡三日隕星

十九年諸生秦英儒妻楊氏歿既葬謀再娶家  
人忽報楊氏相垂淚驚視淚盈盈尙承睫拭之  
如冰未幾秦卒

二十六年大疫

二十八年饑人相食死者枕籍

天啟

三年地震越三日又震

崇正

二年五月雨雪



三年流寇王家允陷河曲據之遠近戒嚴賊黨  
金翅鵬等奄至城下守備聶德元防禦有方不  
克攻焚殺莊聚而去

國朝順治

元年春三月闖逆委僞官唐紹祖知州事秋八  
月部銓知州田子民之任紹祖遁

四年蜚蝗蔽天傷禾凡三載

五年戊子冬州民郭彥武以城叛羣寇互相雄  
長大掠民不堪命剗刃原任江西南瑞道副使  
王繼祖腹死焉明年兵憲樓希吳殲厥魁脅從  
者散之越庚寅春知州負盡忠至自京師賊悉  
平然州人自此懸磬矣

康熙

三年大饑

上賜賑蠲本年田租

七年夏不再傷禾

十一年夏雨雪無麥秋七月隕霜殺禾饑

雍正

十三年歲大饑

乾隆

二十年秋七月隕霜殺禾饑

上賜賑蠲

四十八年歲大饑

嘉慶

十六年歲大饑

十九年七月大雨損壞民屋

道光

八年三月大雨雪四日凍傷牲畜

十二年歲大饑

十九年歲大饑

二十一年正月十八日紅塵蔽天晝晦

咸豐

四年大有年

八年秋七月白露節隕霜殺禾歲饑八月地震

同治

二年夏大疫

三年春三月大水漂沒河岸

四年秋大疫

六年七月十五天鼓晝鳴地震不爲災

十二年夏六月雨雹冬無雪

十三年夏五月彗星見於西北

光緒

元年夏無雨

三年穀不成實米價昂貴

斗米價值三千餘

十月山中

百花重開惟桃杏尤甚倉內百穀生芽人以爲

異

四年春饑民沿途至死無歸知州姜振岐設局

捨棺給錢掩埋其屍秋歲大熟

續曰災祥之說聖人弗尙故山經不列典謨之

籍齊諧不登風俗之書凡以防怪誕亦以杜讖

緯也然天有告驚人宜知監上觀象以順其常

而日月星辰休咎各備下籲衆以察其變則凶

荒疾疫戾氣時應茲欲凜修省於後事何若深

儆惕於先機可弭災祥於不現也錄而存之願



與留心民瘼者爲之採擇焉

岢嵐州志卷之十一

藝文志上

袁志序云藝文之載於李橐者殊未厭人意但舊志旣濛滅無稽勝國以來垂百餘年詩歌古文詞又莫得而述焉茲編止仍原鈔及其太甚故陳言之務去而未能也近所屬入詩十之七文半之攜羅未廣不無遺珠勿勿投劄非余志矣

頌

宋劉适刺史

連理頌

并序

成周之世有異畝同穎之禾西漢之興得衆枝  
內附之木經史具載號爲殊祥皆所以明至德  
之應也政和三年冬十月适受命剖符獲守茲  
土羣承聖化吏奉法民樂耕盜息訟稀風雨時  
若途謠里諺莫不歌詠太平之美顧才術何所  
施但躬行不擾而已越明年春莫衆木方華有  
杏連理見於西圃一本並柯中分上合直幹如  
矢偃葉如蓋華如紅雲實如翠旒蓋蒼然特異  
矣仰惟聖后臨御天下鴻德休明動植涵濡珍  
符異眎比比以見乃者洛浮蟾枝湖貢神器石  
呈堯瑞圭顯禹功龍輿瑪瑙大和水晶南雄之  
精麻城之鶴鄭山之菌石城之芝凡郡邑之獻  
於大廷者歲臻月益至若秘殿瓊苑祥應殊常  
連理七木相繼發見紅渠並秀碧丹交舒竹生  
黃蕊槐敷異枝凡此不可勝紀嗚呼盛矣惟茲  
遠邦與承帝力斯木之出彰我皇仁非休明盛  
世烏睹此祥瑞哉适承乏以來雖民醜事簡愧  
不敏無能闡颺靈應姑援筆書之以紀歲月云

爾

表

郭元帥墓表

元馮辰奉訓大夫

故都元帥郭公諱周字彥成世爲詩嵐人廼祖  
廼父隱德服穡不營仕進公資幹魁梧沈毅多  
謀才兼數輩威而不怒仁而有勇官中多其能  
補義勇軍萬戶發號施令罔或不臧一切規爲  
悅可衆心於是譽望翕然歸之厥後歲婁不登  
人尠宿蓄向隅擾擾都无固志公乃開發廩儲

多方賑貸且部署衆卒分汛戍守無或疎虞朝  
廷聞而嘉之擢以不次之用超授本州防禦使  
賜金牌充宣差提控越己卯復授鎮國上將軍  
鎮遠節度使兼嵐州管內觀察使河東北路關  
外六州都元帥懸帶虎頭金牌便宜行事居數  
載舉錯咸當法令不撓稼穡有豐穰之慶邊陲  
無風鶴之驚部民愛之如父母畏之如神明無  
何寢疾彌留景命不融戊子八月沐浴冠帶端  
坐而逝嗚呼公生爲名臣沒爲明神豈與夫高



門大第聯車駟馬身沒之後寂寂無聞者同日語哉

永城令王公墓表

明孫紹祖

代州人  
太史

正德六年十月流賊攻永城知縣王鼎死之時鼎之拜永城也流賊方熾知必不免置妻子於別所於是飭兵儲餉勵士繕城協寮救屬以示必守縣東白洋河頗深廣有船往來者戒勿渡時賊魁趙風子邢老虎率衆至河船家如戒弗渡越數日有持牒者押徒犯十許人皆桎梏

垢曰速掉船來是所執鄉道賊寄永城監耳舟子渡之既渡卽脫五木殺諸船者擁二萬人猝抵城下知縣驚曰事急矣偕主簿曲啟訓導王景賢號招城中人無老少皆令乘城約曰啟守西門景賢北門失門者斬我守東南門失則斬我東南門當賊故知縣身先之知縣善射連射仆十餘人日暮報曲啟遁賊破西門入矣知縣趨下署滿衙皆賊知縣持長戟手刃數賊衆縛之曰贈我金不然且殺女知縣怒詈曰逆賊

朝廷何負於女乃敢爾我恨不殺若輩食爾肉  
寢爾皮安得金僅爾邪賊怒以鎗刺之至死罵  
不絕口賊曰真山西人大掠而去知縣死年四  
十三歲矣柩歸岢嵐葬焉河南守臣上其事贈  
光祿寺丞廕子爲國子生嗚呼使曲啟不遯西  
門不失城不破令不死未可知也其年五臺王  
源死蜀澤州段豸死棗強潞安王佐死西平渾  
源張汝舟死大成子叔孫璽死畧陽國家養士  
百餘年茲固其效與胡獨吾晉人多耶世爵祿  
受上賞比比皆是胡捐軀死義皆書生耶意者  
晉人風土醕厚資賦剛強於理固然歟當其視  
事而置妻子已堅必死之志及城破不屈視死  
如歸子長所謂知死非難處死難者以今觀於  
公又何難焉

傳

岳高泣先生傳

楊丕烈

學博

先生諱士望高泣其字也世築岢之嶺河  
祖諱景者起明經倅濮州數傳而

元精岐黃家言活人無算橘泉生北莊公嶽卽  
先生父也配高宜人舉三丈夫子而公長感異  
夢以生髻鬣卽善屬文弱冠餼於庠雅嗜秦漢  
古文辭每試輒巍然高等顧數奇十上棘闈不  
售鄉先生李文虎大叅奇其才延於家賓禮之  
俾授諸子經而嵐縣進士邸其昌則公門下士  
也萬厯辛酉用拔貢起家常州府別駕亡何丁  
太夫人艱宦囊如洗不克歸上官捐麥舟贈之  
然後扶襯以西服闋補山東登州府政聲籍甚  
會攝萊陽縣事邑人陸大行重獄須訊陸擁貲  
鉅萬賂豪有力者關白居閒竿牘至公不啟火  
之卒論如法未幾復視棲霞篆巨寇劉思水者  
嘯聚如千人爲民患公下車踰月卽授方略禽  
斬之地方以甯兩院多其能薦剡交屬秩滿以  
覃恩贈兩大人如其官而公尋陟陝西延安郡  
丞駐節靖邊屬歲稔鬻粥哺饑民全活甚衆居  
有頃流寇雲擾厥渠沈一元更跳梁名城婁墮  
糾黨數千人蟻屯靖邊城下環而攻者七晝夜



中有賊首茹城名靖人也陰結故交爲內投衆  
情洶洶慮變生肘腋且不測公授兵登陴部署  
嚴整不予寇以隙孤城危而復安比賊解圍迨  
公簡壯士乘間擊之斬俘若干級時制臺洪公  
填全秦嘉乃績錫良馬白金以勞之方倚公爲  
長城而公則宦情獨冷已決意爲解組計矣於  
是奏記乞骸骨父老攀卧留之不能得

至今懷之不忘公歸卽徜徉

里門日與故人雅素相談笑置酒高會以爲樂  
如是者二十年著有抱泣車迄己丑行年七十  
有六而后乃謝賓客捐館舍云公爲人篤孝友  
兩弟皆負牆問字焉士瞻由明經司河南密縣  
諭士楚歷官廣東羅定州牧子五人長觀瀾粥  
粥然長者歲貢候選家孫桓綺歲積學乃今亦  
以拔監試

大廷蓋公之貽厥宏遠矣

記

來雨亭記

明李炳 大叅

歲乙酉憲使李公於察院寢堂之後構一亭會  
時大旱蘊隆流爍環土幾焦夏禾將空秋種未  
入人情洶洶盜賊充斥壯者奔於四方老者坐  
待溝壑李公大憂之責躬虔禱而是亭適成會  
直指洪公行部按岢嵐李公曰洪公長者雨其  
隨車乎於是扁其亭曰來雨因人情而望之也  
州人曰自春徂夏望雨久矣安得膏雨隨車而  
至李公其欺我哉旣而洪公至明日癸巳雨明  
日甲子又雨越明日乙未又大雨三日霽聞

歡呼農歌於野入種者皆甲未入者悉播是歲  
乃大熟人咸謂二公能格天而李公尤能知人  
也蓋上天以仁民爲心卽有旱澇薄示譴罰耳  
乃其心未嘗不欲生之也二公性愷悌政尙寬  
仁卽持憲亦專平易是誠於仁民者一誠所  
何所不通上體天心下順民情李公之名來雨  
而洪公之來果雨也有由哉夫喜雨名亭光照  
簡冊然予謂喜雨亭者從雨後而喜之也來  
亭者自雨前而望之也從後而喜之者顯而易

見從前而望之者逆而難憑乃今逆探上天之心孚以寬仁之德久旱而雨悉如所願其事較喜雨亭不更可異也哉洪公諱聲遠號肖巖陽和衛人萬歷辛未進士李公諱時芳號兩山陝之武功人萬歷甲戌進士兩公勲業足格皇天率多稱是茲不具載特因衆請而記亭之始末云

遊白勝庵記

袁鏘珩

翼城人  
壬午

壬子夏抄四日蚤起歛粥暨湯餅上馬出城西闕時朝霞在東天薄陰身衣袷衣尙凜凜覺有凍意蹠躩行河干可七八里折而南河無梁絕流以渡不數里爲柳嘉灣草樹扶疎破屋數間依崖際而已又南里許有谿水自東來猶石突兀直截水面色深墨如元戎擐鍔甲當關布率然勢以遏潰逸其河伯非不怒浪掀翻旗鼓相向然終不敢跳梁北上竟憤憤西奔而去自此以暨寺溝會凡二十餘里其間村塢砦錯大抵皆甕牖欹簷才蔽風日而麥隴青青禾菽在地



差強人意庵在寺溝會之北過大澗莊約三五  
里土人般石樹幟以表道路踰河入谷口裁數  
武便遵南麓之趾以登徑甚窄鳥道詰屈據馬  
鞍目不暇旁瞬將抵庵轉而北水流涓涓藤蘿  
多姿北山一帶皆絕壁高高摩雲若斬若琢若  
矛倚若竹挺若杲愚植猱獯所不能緣何處容  
昌黎泣耶山門外清泉一泓紺碧最堪鬻茗索  
瓢嘗之寒沁心骨真水自石邊流出冷也嵐城  
故無井袁子客居幾七載日作鼯鼠飲河耳

霖雨暴漲泥沙苦人求一杯清涼水卻煩消夏  
了不可得今無心中覲此輒欲洗盡我十年塵  
土腸胃入庵拾級而上殿三楹奉薄伽梵如來  
金色黥無光殊不稱莊嚴相好左一刹供養觀  
自在大士其西則關聖廟也亦庠隘限於地故  
庵之南茂林舊密翠色可滴幽鳥遞鳴如絲如  
肉如竹徒倚間因思若得勅家政躡芒鞋擁一  
領蒲團靜坐此中人世紅塵滾滾白眼囂囂  
不知隔却幾許僧延阿蘭若進茶緩步睇壁頭

諸筆類塗鴉多惡詩掉臂去茶罷脫帽舒枕小  
憩片時明窗素壁亦自楚楚起訪龍巖寺舊蹟  
取道方丈之西偏行者爲予言先是北壁有水  
如臂從石袴間歛出好事者承以半木剡其中  
聯綴十許丈懸空東流過庵乃飛注澗中此當  
有致而父老以水大盛則香火弱謂不利於沙  
門遂多方湮塞之今則穿石縫珠走星竄淅淅  
瀝瀝沿磴而下未免煮鶴之見矣西顧卽巖壑  
盡處奇拔不減北屏而巉壁枯巖亡土壤余詩  
中危岡樹影稀之句蓋紀實也轉復南徑愈仄  
僅容足夾道襍花嫣然競迎客訊苾芻強半不  
能舉名零雨濛濛屨底碎石盡霑濡童子夾而  
陟至則廢趾掌大頗踞邱阜之勝宜臺直洞宜  
樓閣參差相望而僧窳無點金術徒委之荒煙  
蔓草可惜也東南松千章極翦鬱風濤謾謾爲  
澗爲霞爲瀑布聲閒復亭亭三兩株絕羣獨立  
或橫斜於斷嶺崇巘逼真繪事下瞰庵若僧寮  
如畫鷁泛泛艤厓畔蓋澗形嶽崿且峽中本無

卓錫地祇就山脚爲經營以故東西稍修尙可  
得三五十步而廣卽不滿十之二其凹坳處  
叠石爲之雖規模麤建要亦殊費周折矣有頃  
州守何公携衆客至謁世尊隨喜諸大菩薩已  
集禪房共話得半日間旣而雨漸大孤竹李文  
學賦詩題壁客有經行者有卧游者有立談者  
各隨意庖人報饌具會食畢天亦少霽於是僉  
謀作歸計矣塗次乍雨乍歇羣峰如拭青羊黃  
犢落落田間婦子苦笠載蓐載耘馬上奉和李

茂才寺中韻猶抵一幅烟雨倦游圖也是爲記

碑

井池碑

明周經太原人  
尙書

夫饑食渴飲人之道也故水火爲人所必資然  
使得之艱至無以爲生則治於人者詎不有待  
於治人者哉彼治人者急簿書急錢穀急刑名  
獨於此則以爲緩而不足務人亦何賴焉今也  
智以開其源仁以濟其衆推以及乎物策以防  
其患使人之所資者皆得愜其欲而無難則於



治人之道盡矣此叅政汪君初作嵒井池可  
書以式也嵒嵐去太原三百里而近山高土厚  
井不易穿州人所資惟嵐漪一衣帶水然池接  
邊徼戎馬才馳便至城下人聚門閉無水可汲  
卽坐困耳宏治庚申汪君奉璽書來治嵐乃躬  
相山勢指示井工不數仞而湧泉一在真武廟  
側一在觀音堂後乃君尤恐其濟之未溥也又  
引東門外河水入城益之於是城與避兵  
者咸有所資矣而君更慮爲所窺外塞其源

則我復受其困又疏南之隍潛通河爲州  
人舉手加額曰乃今而後可以無患已君曰未  
也仍於城西隅掘池濬東入之水瀦其中於是  
牛馬之類亦有所恃矣嗚呼食君之祿儼然民  
上不有利人濟物之績亦何貴乎爲上也今君  
用心上經綸建無前功績旣濟乎人兼利乎物  
其功詎不偉哉工竣知州事李時請記於余余  
嘉公之知所務也故不欲以不文辭焉君名藻  
字文潔乙酉解元戊戌進士初授翰林庶吉士

治人之道盡矣此叅政汪君初作岢嵐井池可  
書以式也岢嵐去太原三百里而近山高土厚  
井不易穿州人所資惟嵐漪一衣帶水然地接  
邊徼戎馬才馳便至城下人聚門閉無水可汲  
卽坐困耳宏治庚申汪君奉璽書來治嵐乃躬  
相山勢指示井工不數仞而湧泉一在真武廟  
側一在觀音堂後乃君尤恐其濟之未溥也又  
引東門外河水入城以益之於是在城與避兵  
者咸有所資矣而君更慮爲敵所窺外塞其源

則我復受其困又疏南門之隍濬通河水焉州  
人舉手加額曰乃今而後可以無患已君曰未  
也仍於城西隅掘池濬東入之水滂其中於是  
牛馬之類亦有所恃矣嗚呼食君之祿儼然民  
上不有利人濟物之績亦何貴乎爲上也今君  
用心上經綸建無前功績旣濟乎人兼利乎物  
其功詎不偉哉工竣知州事李時請記於余余  
嘉公之知所務也故不欲以不文辭焉君名藻  
字文潔乙酉解元戊戌進士初授翰林庶吉士

改兵科給事中出知石阡程查二府陞今職所  
至以嚴明稱其利濟殆不止是云

修學碑

周斯盛 學憲

岢嵐儒學在州治西南肇建於洪武十九年殊  
簡陋久之益敝嘉靖辛酉憲副王公飭兵其地

祇謁

先師慨然歎曰學宮之敝若此將何以妥

聖靈而作士氣哉會歲大禋費無所出乃捐俸倡之  
簡徒鳩工戒期卽事

正殿兩廡明倫堂進德修業齋則仍舊而繕修者也  
移敬一亭於北改儒學門於東則據義而改正  
者也尊經閣以儲書泮池以表制名宦鄉賢以  
端軌儒林坊以壯觀則困豉而勅建者也池之  
水則公新引於城內者也州治在萬山中井弗  
及泉公訪求故跡導河入城工既竣諸生許尙  
文輩前來謁余曰王公嘉績願先生一言識之  
且謂王公禦侮之功在新學作類之後事固有  
適然與余曰非也古者出兵必詣學受成及其



反也釋奠於學而以訛馘告夫干戈俎豆殊其  
器揖讓戰陳異其局而受成獻馘莫不在學豈  
徒定謀耀武而已耶蓋欲風之以禮義禮義明  
則士勵可以赴湯蹈火百戰百勝矣岢嵐當山  
後諸州之要區曩時戎馬長驅士卒不前豈智  
勇之不足哉咎在禮義昧而無以作之氣也王  
公以興學爲首務陶諸生於禮義之中而州之  
父老子弟更相摩勵親上死長之心勃然以興  
則公之垂範遠而歆動神也爲何如夫物以時

起士由感興諸生觸目於黌泮則固有真感焉  
夫民生日用水與火均州之艱於水也吾不知  
其幾何年矣河之引而入也吾不知其幾何人  
矣乃功至今始就茲非有待於人與時哉諸生  
值可興之會以禮義律身求合於聖賢澡心而  
浴德溯本而尋源以臣則忠以子則孝以俎豆  
揖讓則文以折衝干戈則武翊昌運而永終譽  
斯爲真才實學世道重有賴矣否則畢志抽詞  
虛名干世以科第多寡爲學校盛衰非本道屬

望之本心矣况本道忝有視學之責既紀王公之績而又慮諸生之怠於自修也故諳諳告之如此公諱遼霸州人丁未進士若起工之巔末官師之捐助則悉勒之碑陰云

火神廟碑

魏廷馥 己卯

夫神有正有邪故祠有淫有禮黜邪崇正秩禮放淫所以正人心而挽流俗昭國典以謹禋祀此固司風化者之任而益爲國爲民禳災祈福者之所當致虔也粵稽

火神廟肇自炎帝其方爲祝融其神赤精司火正配食於大火鶉火二星祀典所載其不可無以昭事也審矣岢嵐道觀梵刹所在都有而

火神一廟乃缺焉弗舉豈人事之未逮哉蓋邪正之說未明而感通之靈不昭也萬曆二十二年四月十四日鼓樓前街火勢灼天郡大夫張公聞變步至火所叩頭流涕以祈反風須臾大雨如注煙消火息滿城聚觀無不駭異居民旣免煨燼四野了無震驚此固張公仁誠素著倉卒

效靈江陵壺山不得專美矣公乃不有其功喟然諭衆曰此神功也於余何有哉昔宋衛陳鄭之災迺推於彗星司鐸大庭之陟亦得之預占故先事爲防臨難有備今旣無日食之兆又無飛孛之流忽然而興固屬天災乃忽然而滅非神曷以致此夫有感必通者固神休之赫奕而無德不報者乃人事之當然矧淫祠徧城中而正神乃缺然其何以示禮教而昭明信哉於是相地於香嚴寺之東當丙丁之位乘時度力庀財鳩工爰命侯良瓚白簡等董督之建正殿三間大門三間中庭三間二門一座前後廂房十二間以備致齋而游息者也輪奐聿美丹漆輝煌士民咸瞻仰敬畏焉經營於丙申之春十月告成力不勞民取之備作財不動衆出之捐輸不周歲而未有之曠舉昭然在人耳目間衆咸請記於余余謂神之英爽固顯應於回飈息炎矣今秋旱不爲虐黍稷豐成可書大有之年謂非神之明賜而張公祈福之靈應乎閭郡士民



因公之建置而欽崇焉則爲禦爲捍時燠時寒於斯萬年揚神之功頌公之德甯有既乎公政績多端如穿井立社教民織紡種種善政不可枚舉茲特其一班云

玉皇廟碑

張邦珍 郡博

州故無

玉皇廟蓋創自萬曆元年癸酉云維時安邑董尙禮祁縣董朝鵬太平白尙才各以行賈萍聚是州皆身厭塵俗念切靜修棄家緣而學黃冠冠衣也苦無所依屬有朔州道人李泣吉者年百有二十歲矣清操苦修殊當衆心三人遂師之名尙禮曰靜南朝鵬曰靜全而尙才則曰靜恭然又苦無習靜地會善友任可廷李鰲等各出資經營廟址於城東北隅廣濟池之南靜全復出已貲並募於衆建正殿三間東西廡各五間靈官殿一間鉢堂三間道院一所工方有次而未就萬曆二十年前任經陽張公鑑來臨禱輒應欲復理前工未竟事而張公陞矣二十六

年固安劉公養浩禱雨又應慨然以興建爲己  
任首施銀米木料率同僚闔屬各捐俸若干緡  
委官牛光祖楊玳董督之又建大門三楹牌坊  
一座甬道牆垣煥然一新修葺旣竣徒衆益增  
方慮無以資生適有州民武大川捐西會村地  
六十垧有場有廬願永爲 廟中香火地隨糧  
一石三斗三升靜南又置武志寅地六十垧隨  
糧一石二斗武希文三垧隨糧四升庶幾衆有  
所資而祀可永永無替矣余謁廟見院宇清幽  
隱然僊境古稱神道設教殆謂是歟夫人心之  
善以有感而後興其不敢爲惡亦必有觀而知  
懼此廟成不惟使人起脫跡塵冥想卽狡黠無  
忌之夫有不惕然思悚然改者乎審爾未必非  
勸懲之一助也

文場碑

潘雪龍

太原人  
侍御

夫事有可己而彊作者厲民者也亦有可作而  
憚爲者悞民者也岢嵐當西陲重地每遇出巡  
考試直指學使者咸駐節焉往歲彙試八庠士

子皆鱗集於此搭蓋棚場甚爲勞擾毋論其大  
卽一麻一絲咸取諸民間州人蓋甚苦焉天啟  
元年豐潤朱公希龍來牧是州厥有郡民吳三  
省等詣上台告允建立文場於是就雞鳴書院  
相形鳩工開拓其基命義官田君愛董督之建  
正堂三楹捲棚三楹穿廊三楹寢室五楹吏廬  
三間庖馩三間供給皂隸房各三間東西文場  
二十楹瞭望樓四座儀門以迄照壁靡不周備  
經始於天啟二年秋明年春三月落成是年督

學孫公織錦按臨八庠博士弟子員咸嘖嘖便  
之夫功由人建事以謀成三百年病民苦役一  
旦剔釐殆盡創從來未有之宏模開後世不朽  
之奇績州人翕然頌功德焉則公大有造於嵐  
城爲何如哉公以明經起家政事人才卓冠尋  
常萬萬修幹偉品更有秋月寒江之度且律已  
清介應物平易一切美意良法碑載都人士口  
中則公之垂範遠而貽謀永也八庠諸生走仵  
丐文以紀始末故余不辭荒謬而僭爲之記云



時靜樂亦赴此  
就試故云八庠

重修洪福寺碑

岳士望 郡丞

州治洪福寺居庚金地爲名禪林宋紫衣法師  
能公肇造也迨明初洪武癸卯金寶峯建西殿  
正統戊午大智慧躋空建中東二殿並山門遠  
成和尚則粉飾之而規模大備歷數傳年遠時  
久不無傾圯躋空之元孫號清庵者郡儒族也  
夙有佛緣甫八齡祝髮此中雅不屑與持鉢劣  
頭陀爲伍亦不甘與耽空枯禪宗爲徒悟通三  
昧淨掃五濁恒以修建葺理爲護法一日慨殿  
宇頽敝毅然興振舉之思奈鉢中生塵不能速  
了此段因果遂發心矢願忍戒靜杜者數年盡  
出所得諷誦餘貲赤心白意借檀那力聚沙磨  
杵復建水陸殿三楹細加繕繪丹堊大殿廊廡  
以至山門朽腐者飾之湫溢者拓之黠淡剝落  
者鮮之其功德幾與剏始等維時畫工白我心  
同心戮力描寫粉藻煥然一新不索香積中一  
銖一粒則又世法中之難且異者經始於天啟

二年可卯告竣於崇正五年壬申前後凡七歷年所工費不貲皆清庵上人苦心拮据始終之者故余特志其巔末如此噫嘻心卽是佛佛卽是心人心不泯佛性常存奈之何以有息心叅無遮教倘其慧日普照智月常圓心上人之心者結上人之果嗣當有振其緒而恢之者是又所望於後之龍象禪宗云

結義廟碑

賈三畏

太原生

嵐州初無

三義祠祠之自不佞三畏與丕烈楊生始予兩人甥舅而師弟也蓋予伯姊丈雲溪戶侯卽丕烈家嚴萬厯戊午曾任老營賓余而且塾且幕爰負笈北上館前贈孫大將軍之別墅稍南有義祠時攜琴書習靜其中瞻就

義神荏苒逾六甲寤寐如覲不禁耿耿予兩人因是以有綏祠之盟曰不同心者有如河顧爾時矢志雖壯而力則甚綿譬之轉丸蟲輒思負山其胡能克勝厥任姑寬之壬戌復丁年饑再寬

之癸亥始出予兩人囊中鏹及歷年學餼從事  
焉購庠生賈化龍等甕城內宅址爲廟基復購  
里人閻氏房木若干枝構正殿三楹東廊三間  
大門牆垣稍稍就緒而末路經費畧不敷權需  
持鉢道人真果不無小補

聖像鏤金絢彩則茂才李燧之仗義捐貲與賈人  
高思謙之供奉香火恪共祀事亦不可泯告成  
於崇正己巳歲越數蜡而爲戊寅值南兵守戎  
戴公嗜義輸財增建捲棚三楹照壁一座而廟  
貌益壯麗矣嗣有戍軍張遇清於城東置管敬  
宗隙地內建小房一所取房租以助常住非城  
南官地可比是役也予甥舅實式主之豈與夫  
媚邪崇淫者比耶追昔雉壇一盟口血爲虹肝  
胆日月官竅星辰萬古在人心目間豈獨鼎足  
天下知有三丈夫哉後之棠棣閱牆雁行讐寇  
方之肇造後漢者甯無慚德否過  
廟仰止追維大義友恭篤棊不瞿然興而勃然思  
者非夫也厥祠之建當與



文宣武成相頡頏願吾鄉歲時臙臘黍稷與明德  
齊馨朔望朝參生氣共爐烟並霽若目爲緇黃  
輩常住利觀而占居穢褻

神明自干罪戾予兩家子若孫其執契券記文而  
問諸

重濬河水入城碑

岳觀瀾 明經

岢嵐落萬山中山大水小漪流如帶逕西而不  
關形家謂之去水風氣不會城中復缺井養故  
閭里蕭索而物產寡乏晉以西凋敝特甚在明

舊有引水入城之制當事者良有深意前兵憲  
繼津王公再一更新於時蓋稱名勝云署前石  
有四山羅列孤城繞一水汪洋萬戶通之句正  
志此也歲久湮塞無復踵其舊者會趙父母來  
蒞茲土每暇輒詢父老意在復加疏濬歲戊申  
二月冰漸土解一旦決策下令捐俸先之而合  
屬紳衿士庶莫不踴躍從事醵金募役刻期程  
功循故道而淤者淪闕者補復相其地宜別鑿  
渠以通之以防秋水之衝突又於沙土善潰處

接以水槽爲久遠計工始於三月之末至明月  
中浣而營工不侈費役不踰時及臻厥成民  
晏如也視會幾何時而一旦改觀羣州之人  
坐享其利而實不知其所以利者大約有六水  
之爲物也縈洄漣漪主文章今茲粼粼汨汨文  
灑其昌乎利一清流匝城魚鳥下上波環灑澗  
花樹菁蔥利二嚴禁人物穢踐清澈見底民間  
朝夕所需卽童子挈瓶盞而汲之可供炊爨利  
三甃石澗蓄不煩纒索有土可麥可稻有園可  
菓可蔬利四上不關會奏報下不科丁夫錢穀  
畚鍤雲集事省功倍利五而且更爲之令曰喜  
新厭常民之故態於十六鄉約中簡一勤敏者  
以董斯任年年責成期無廢墜利六竊念天下  
事如持籌握算枘鑿相脗者比比皆然以六大  
便之利而轉瞬奏效由此推之天下事未始不  
成於能爲而以暇逸弛也公蒞嵐閱五年其他  
德政難更僕數而此更善政之大者故立正珉  
以昭來許云

義冢碑

袁鏞珩

自人之歧民物區彼此屑屑焉以各私我七尺也於是生則有無涯之欲以務愜其意之所欲泊夫鐘鳴漏歇景泊桑榆知無可奈何矣則惟菟裘之是營而日夜焦其心於身後莫可必之白骨夫高壟纍纍石柳豐碑誰不自以爲千百世子子孫孫無復拔之隆基未幾而拱木摧爲樵薪矣馬鬣犁爲土田矣牧豎耒耜叟躑躅其上而娛焉於葦黃腸青草究於白骨何關是故達者起而矯之曰骨化形銷因風委露斯亦已矣螻蟻之腹孰與烏鳶之喙蒙莊楊王孫之行事遂爲賢智之所樂道况乎取他人之四大而爲之筮久遠謀安厝斯不亦殷憂而過計乎雖然掩骼埋胔古聖王偶一行之耳而天下且以爲澤及枯骨頌仁人焉其他若韓稚圭之買地并州李端伯之瘞亡成都陳元甯崇禮之歛殍施構羅循范希文之移柩罷宴諸如此類更僕難終卒也天之報施或於其身或於其子孫令名



奕奕簪纓不替豈非吾人一念之不忍卽與帝  
心仁愛有以相符而無間也哉堂翁何大人者  
豫章名家占籍關東棠葉矣辛亥春以宦游來  
刺是州懸心慈政非時所倫塗有罟而巷有譟  
四境之口碑可稽也復念地方彫敝民窶財殫  
其間有貧不能舉葬者僵屍暴骸轉溝壑枕道  
路良用惻然業捐俸購負郭之田如干畝以爲  
庸澤園明年清明有事於厲壇余例得駿奔走  
以拜下風禮成立談間因語我以寘田之所在  
而履畝觀焉余領之而心竊義之夏初楊牖銘  
先生過齋頭謂此舉不可無一言以昭茲永永  
今隴石須矣事在吾子余旣多公之用心有合  
於仁人君子之道且不僅爲一方之窮黎計室  
家更能爲四方之遺骸籌窳窳公人我而全生  
死真爲民父母盛德事也公卽不望報於冥冥  
然天道無親惟與善人福履之來甯有極乎故  
余誠不敏實欣爲之役而輒記其歲月如此公  
諱顯祖字邁公其先江西都陽人高王父宦於

遷遷家焉乃今則移居京師或滇南云

汪大宗師德政碑

失名

從來道運亨則聖人生國運昌則名世出在天  
爲文星在地爲文憲羽儀聖道黼黻太平入而  
坐論崇左右夾輔之業出而秉衡著山斗人倫  
之望鴻功峻德卓卓偉偉銘之彛鼎勒之金石  
則山右數百年來孰如我大恩主汪大宗師之  
盛者哉泰山毓秀渤海標奇文章蓋世蚤占杏  
苑之香學問彌天久擢

青宮之傳辛巳之歲特簡晉院飲冰潔已唐虞夏  
故國今日方覩明月之中天鐵面報國韓趙魏  
舊封自茲永絕狐媚之伏地憐才而振孤寒太  
原無不拔之郭泰衡文則別真士安邑無賈書  
之侯生爲文體之宜正也俾下里巴人之調變  
入白雪陽春使中原正始之音朗如堯天舜日  
戒廉隅之必謹也衣冠振而草野經生不致禮  
貌之荒品行端而城闕子弟可免佻達之失慮  
士氣之不振而率屬鼓舞人快斯文之有主恐

士習之日弛而論學勸課戶樂絃誦之無疏時  
雨春風之大德既已鎔士如鎔經曲全寬恤之  
餘恩亦且愛人如愛子清風百世爲師惠日三  
冬可愛成人小子咸角稽而歌慈父文士武弁  
盡心折而頌神君是六服共瞻光霽而三晉獨  
被清英由是西方屬吏沐殊恩而不容忘嵐谷  
諸生醉盛德而莫可解恭議勒石永垂不朽亦  
聊以寫不容忘莫可解之意云爾至於文學政  
事偉績豐功自有登之

國史與日月而爭光同山河而俱遠者又孰能叙  
其萬一哉

重修北城樓碑

王如玖 宛平人  
郡守

城之有樓修戍守望敵警也哥之城築於後漢  
增廣於宋易輒於明之洪武七年爲門四而爲  
樓十二越三年自武州城遷治於此萬曆會一  
修其樓歷今二百年矣棟宇鮮存前牧請修而  
未逮也乾隆甲申秋吾鄉甯晉高公名自位者  
領州事明年州人欲度地建



文昌宮公謂宜復南門樓以安神取應離宮衆忻  
諾因爲擇紳耆商民之謹實者司之工訖而衆  
願並復東西北之門樓且復西北角樓補風脈  
之缺其好義無已有如是也丁亥秋僅餘西樓  
庀財未建公擢汾郡丞去余代之謀增費以卒  
事財旣羨囑吏日程君繕周垣之缺而允諸生  
煥新東南角城奎星樓之請戊子夏得終厥役  
尙地早寒故自乙酉春延今爲時頗久云計費  
一千三百七十餘緡 公與同城官師及余捐  
俸以倡州之諸人疊次輸金茲將勒石紀事余  
進司事分晰其費之出入與凡勤力捐貲之姓  
名俾揭於後因言曰尙嵐天下之北鄙也明以  
前戎馬蹂躪無虛歲我

大清受命綏靖邊圉尙人不覩烽舉燧燔耕安於  
野商安於市者百二十餘年如一日今之尙雖  
非古荒服者而城在樓廢修宜急矣然重門擊  
柝以警非常詩人未雨綢繆之意也惟

國家涵濡休養旣已日久礪确如尙長民者一倡

而遂有以應之視往代不絕干戈之擾廢其生  
業者豈復出餘力爲戍守敵警計哉則今固於  
當急者能急之矣奇人好義 公實成之太平  
盛事也且其用不侈有可記者

新建龍神祠碑

蔡廷弼

仁和人  
郡守

奇嵐州故樓煩境四山若環風勁土瘠九穀之  
殖弗宜其高又無以興水利漪水滌帶灌溉難  
資三時種殖之方惟雨雪之是賴祁祁紛紛爽  
候則罔濟於農微論其澤之不我降已惟所憑

依昭著耳目蜎淵護獲與社稷山川土穀諸壇  
廟載在祀典司土者歲時朔望展禮致敬其可  
闕諸州郭西南有 龍神廟距城較遠兼以子  
處峯巔登涉弗便弗克以時具詣頻年苦旱小  
稷告聞豈神之不憑歟抑事神者之未至也歲

壬寅

余奉

命蒞茲土明年復旱

余

虔禱應焉爰度城隍廟之西

節義祠故址因土之曠酌事之宜墨食告吉以  
甲辰春鳩工庀財勅建

龍王宮綴以周垣妥以秘殿丹雘塗墍廟貌式崇  
借師儒吏民摠拜其下是歲風雨和會年穀順  
成民氣和樂墜壤蔀屋間咸歸美於

神而謂余之誠有以格之也顧余豈敢言感格之

誠惟

神之靈式憑佐佑有不敢忘所自者協聖時雨暘  
之順思山城耕耨之艱後之來者有舉而弗廢  
擴而修之與郭西南之廟俱以邀 神貺而惠  
羣黎是則區區之誠云爾

繆公祠碑

趙作賓

皖江  
郡倅

宦海飄蓬官場是慮幽魂無依泉壤增悲繆公  
諱開元西蜀城都人也筮仕岢嵐倅性純篤不  
苟不數年卒於官其子無力扶襯歸里浮屠義  
園而去厥後幕賓蔡東堂先生聞而憐之遷葬  
於北門外之官地爲之捐錢二萬貲交繼任鄭  
君諱鍊作爲祭葬之需嗣刑席陳開先捐錢三  
千以明其慨惻之懷鄭君告歸時置錢於原盛  
典取微利以濟祀費並墓旁沈陳二塚均得附



祭其側稟請 李州尊批不立案以垂永久皆  
仁也余竊心焉慕之乙酉春初余蒞茲土家人  
檢得此卷不敢諱呈而閱之破損幾成廢紙余  
恐嗣遇無心之輩定矢所傳因思於署之西偏  
建數椽之宅設牌位於其間俾靈爽有所式憑  
似較立案之舉尤爲昭垂不朽其亦踵效前人  
之遺意乎惟是余係代庖五日爲期綿薄已竭  
不能再輸已囊以全美備之觀適晤閩中戴桂  
芳州城庠生范時彥張佐高范文亮諸人許爲  
善舉或首自贊助或互相勸從衆力共勩乃得  
竣事余願適如余之幸實繆公之幸也吁嗟繆  
公盛德其人生有令聞歿幾杳泯賦招魂兮不  
至魄異域兮凄情幸茲祠宇聿觀厥成以妥以  
侑來格來歆

重修南門外壩堰碑

史文炳

州治南門之外有滄水焉源則發乎嵐邑宿則  
歸之黃河界南與北衆流之會滙偏多由東而  
西萬頃之波瀾甚壯此過嵐谷者莫不稱帶河

之濼環同於礪山之保障焉乃年遠時深水患  
叠見浸土田以爲沮積沙礫而成灘波衝岸塌  
距城門僅餘數武州人時苦之且深慮之誰與  
爲之思防此患者道光十年間 陳公亦震攝  
策於茲爰謀所以當河水之洶湧作城池之護  
衛始築壩堰三十餘丈以隄防之功至鉅而謀  
至遠也越同治己巳歲隄之西隅爲水衝塌數  
丈州牧 湯公學治特糾紳商以補築之迄今  
方十年而患又見焉河流衝突石土傾頽計方

二十餘丈論者以爲工巨費繁殊難遽舉歲在  
丁丑州尊 姜公振岐來守是郡閱城俯視心  
且驚焉詢之州人咸曰此隄不修將來城址之  
陷竟在是矣公聞之亦以此事未敢輕舉也越  
二年政通人和歲稔物阜公餘之暇特以修隄  
商之於余且以監督其功囑之余曰善事不可  
有廢而無興功尤宜因創以爲繼因於四月間  
會集紳商民人等勸以輸財諭以効力鳩工趣  
役未敢少懈越三旬而工告竣經理郭公

等請誌其事於石余竊思是役也前以繼二公之志使創修之遺績不至湮沒於河水之橫流一善也後以安百姓之心使城關之居民無或驚告以波濤之奔突二善也而且出城闡者如奠磐石之安瞻河隄者咸稱金湯之固則鎮西有設險而控北永賴巖疆矣不亦一舉而三善皆備哉有三善以昭來茲使後之覽者亦可恍然於姜公之德有深洽乎民心而姜公之功不容沒於人口也爰叙其巔末以誌之

序

郭父母生子序

明岳士楚刺史

丁巳之冬序惟季月嵐州主人郭公者視事已逾年矣政通人和百廢且興協氣所鍾弄璋稱慶先是公令關西誕冢嗣至斯而再舉國器焉猗歟都哉嵐之士大夫謀颺言以贈於是有所頌德者有揚休者有稱孝者有論世者有述奇者有紀福者有期就者有借祝者頌德者曰千門駟馬三槐王庭豈弟君子父母斯民罔若淑而



不昌嚙逆天而能存溯甯馨之誕育知積善之  
有因揚休者曰憶關以西嶽降始焉迄山之右  
充閭集焉合爲雙璧堪稱二難自天祐之福履  
翩翩稱孝者曰五鼎非養三牲非供蘭芽茁茁  
桂萼森森衍宗祧於百代敦孝思於無窮論世  
者曰崔嵬不崩賴彼峽岬江河不竭厥有源委  
人生不滅惟曰孫子嘉哉此兒實式賴之述奇  
者曰頭磽磽聲呱呱石麟呈異玉燕表祥擬芳  
躅於戈印接奇武於之無紀福者曰千斯倉惟

子之糧萬斯箱惟子之章牙籤萬軸惟子百世  
有餘香期就者曰象賢之子克於而家鸞鷲之  
瑞華於而國大而門閭可嘉可樂借祝者曰多  
男載咏五馬非榮瞻彼南山億萬斯齡允矣君  
子萬福攸同客有過予者曰子不聞八言稱賀  
乎甯獨無一言耶予曰嘻八言備矣余何言雖  
然獎借似諂崇譽似誕占推不經懸合皆幻余  
聞關雎有麟趾之祥螽斯有振振之咏福非德  
不厚善不永不敦予有四言效規瑱焉其積功

乎果仁乎惜福乎保名乎積功則燕翼之貽善  
累仁則漸漬之澤深惜福則驕盈節保名則實  
行著以是啟佑有不瓜瓞綵綵者乎棉矣有不  
休社蒸蒸者乎蒸矣有不率俾其祚永昌者乎  
永矣則四言固八言之所由符也諸君曰唯唯  
遂稱觴東彩以賀

趙子瑜堂翁生日序

袁鏘珩代

今歲丙午春吾鄉岢嵐道鄭公祖以肆覲至京  
師既竣事則過余邸信宿談而予同年友袁子

卧隱因貽我以書札大約嵐州僻在邊陲土磽  
人窶弦誦道輟雖承乏爲諸生長而振興茂由  
維是州守趙使君起家三韓望族以督捕出刺  
是州方其下車伊始業已飭辟雍之鐘鼓踵其  
舊而新是圖又久攝學篆多士莫不凜凜然畏  
而懷之今茲初秋二十七日恭際初度羣郭之  
父老子弟咸得持牛酒奔走公堂爲使君壽厥  
有薦紳先生暨夫學宮弟子謀所以製錦而稱  
觴者則介紹於不佞願乞大君子一言以爲賓

筵光余無以謝哀子也於是爲之役而不辭今  
士大夫之談仕者類多輕外而重內以守令可  
爲而不可爲也故通籍諸君子無小大無不雅  
志本朝願得朝夕輦轂以對揚聖天子休光若  
不能一朝於外者此豈真以州縣之職爲勞人  
錢穀刑名遂足重難良有司哉蓋嘗歷覽載籍  
凡身仕一方有志民社者率皆假便宜從事故  
或循良卓異或嚴明辨察大抵具有成績可觀  
今則一羊十牧東溼不一其人卽具什伯庸衆  
之才稍思有以自見而文法繫之功令讐之囊  
穎未露持短長者已交議其後矣斯時也惴惴  
乎計身家之不遑何言功名哉以余所聞趙使  
君則有異當夫含香粉署優游然適也一麾出  
守簿令勞勞亡論已而岢嵐二十年來寇兵交  
訌荒稔薦臻彫敝之餘戶口無幾且民窮力殫  
剝醫維艱悉索敝賦有常貢矣徵輸苟不以時  
至則吏議及之而又俗競餽遺羔鴈不絕宜民  
則上側目獲上則民生心無米之炊巧婦所難



公何以撫字催科兩無所負事上全下左宜右  
有如此哉而余又聞使君爲中丞公之猶子先  
是中丞專閫兩泐盡心清操卓絕一時卽今謝  
政懸車東山之望愈隆則使君之漸漬於家教  
者深矣不佞備員棘寺平反事殷文墨之役都  
不厝意遙從千里外申此曼羨數語儻藉手袁  
子不至貽賓筵羞殆猶愈夫歌楚詞之攬揆紀  
靈椿於莊圃一概獻諛之恢辭也已

何邁公父臺生日序

岳觀瀾

今辛亥之歲會天下肆覲春王月嵐州守何老  
父母實新蒞厥任迄於秋而政洽刑清父老子  
弟喁喁然咸知所嚮風矣菊月二十有八日值  
公覽揆之辰廣文袁子卧隱者不佞同年友也  
走士千里外乞余言爲醴介光余曰何居乎而  
之所以壽公平薦朔桃與賦莊椿與引山海以  
侈頌與指松喬以遙祝與何居乎而之所以壽  
公乎士曰否否生長爲壽非古也禮也禮生於  
情敝邑之薦紳先生以暨夫二三諸生情有所

不容已願傲惠大君子一言以當聲詩余曰吾  
知所以壽公矣聞嵐地瘠民貧瘠則賦易逋貧  
則人易流公下車裁半載耳一意拊循視民猶  
子不假敲扑而國課以完仁矣家世簪纓而冰  
蘖自持謝絕餽遺署門如水可不謂清乎而且  
禁游惰而里無竊發之奸釐案牘而庭無舞文  
之吏不倚猾胥而市無二價不迎上旨而城絕  
飛狐蠲士役而誼篤青衿恤驛卒而恩洽白骨  
不甯唯是學使者按臨校士七岸雲集簡賢者  
而優之別不肖而劣之率舊典也公特嘉意人  
材曲爲平反俾完故物得以自新一時士子蓋  
欣欣慶有造云夫有廉介之操而又有樂施之  
量有抱嬰之愛而又有拔薤之威有雞犬不擾  
之風而又有廣厲學宮之雅所謂壽國壽人者  
於此見之已公齒未及彊仕如日方升如川方  
至烏庸壽然籍甫通而穎已脫席未煖而化已  
翔又烏庸不壽古之祝壽者莫備於詩公之生  
適當萬寶告成之候詩有曰朋酒羔羊躋彼公

堂吾爲之頌幽風士樂業於戶民歌德於塗詩  
有曰樂只君子萬壽無疆吾爲之頌南山不日  
登台鼎平格布化詩有曰豈弟君子遐不作人  
吾爲之頌旱麓士敬應曰唯唯於是命簡以侑  
觴

文

祭經畧大夫折克行文

宋張舜民翰林修撰

大觀二年朝散大夫充集賢殿修撰張舜民謹  
以牲醴之儀致祭於折公之靈曰惟公之系乃

唐之舊世以忠力甲於河右公之挺生自少不  
羈一劍起家爰格旌麾出生入死服險與彝人  
以殺勝公以策綏柔者銜德强者畏威衣食勞  
苦與士卒均黥江遠遁百姓歌勲召父杜母歐  
字李詩白馬之戰敵人棄帷天都一開巖粟如  
砥馬斷南牧士以不饑玉鈴金櫃惟帝是知龍  
旗虎節惟公是宜劍飛火滅岸轉舟移年猶未  
艾脫屣如遺嗚呼良弓旣藏狡兔尙肥老將旣  
殞戎馬日滋懷釐緯之隱憂興拊髀之長悲英



靈如在其曷能怡

祭宋宸文

明張漢少司馬

惟靈聰明賦性世胄起家習超純綺行謝紛拏  
居則圖史用則弓鞬勢不可屈欲不可遮內含  
其美外暢厥華耆英起敬月且競誇淹貫孫吳  
龍韜虎畧奪錦穿楊魏科是擢代晉頻歲水災  
爲虐兵食未充蕭然氣索君至雁門悉心振作  
代者旣任勅敵乃來邊隅失守罪難與偕胡爲  
波累有入無開乃君之命非君之才遠窺南海  
渺矣天涯一疾不起塗人助哀嗚呼君貌清癯  
氣質雄特識則淵通言惟簡默懷文武之全能  
而未遂顯庸抱忠信之內美而遽遭擯斥此吉  
人所以戢翼而悲號達人所以斂衽而歎息者  
也

漢

負慝荷戈謫斯嵐域值君蒙冤方困徽纆

知君之名聞君之德令嗣譽髦來趨講席見君  
之面識君之心方當相期於方來豈謂遂止於  
而今羨君有子爲時所欽傷君之逝情不可禁  
溪毛旣薦泣水載斟我誠慙惶君其居歆嗚呼

適來適往在君匪勞脫去人特解卸天弢出虛  
入無物外逍遙擬於南面其樂陶陶君其休哉

勿念塵囂

按宸衛人嘉靖丙戌科  
武進士官大同行都司

祭雲溪楊公文

乃丕烈父

王

邵

保德州  
太史

茲戊辰秋杪大火之次爲我公襄事期

邵等雅

叨忘年愛又盍簪於喆嗣者久遂不禁相顧泣

然曰嗟乎人生幾何哉草霜華露方斯匪促矣

憶公之城保也風日任輦與役共之而招招良

朋載酒尋芳興固豪也今往矣悲哉公之屯保

也刁斗不鳴扞輟無弛飲冰茹淡軍民懷德而

且局扉長嘯羞與絳灌伍氣何壯也今不復覩

矣卽公之蹀躞於省會也躑躅棘闈寤寐淡墨

絕口華胄之焜耀拭目蕊珠之盛事誰不嘉燕

翼美光大乃未克坐看蜚翬躬膺鼎養也悲哉

此嗣君之所以痛心而故交言之隕涕者也或

解之曰公何憾哉春秋高矣玉樹亭亭蘭茁其

芽矣雲霓沃壤疇釐未艾矣况保之百雉在卽

公在也保之頌聲存卽公存也繼體者青雲唾

手焚黃指顧間事耳公不朽矣又何憾哉東芻  
非虔里言不文其曷足以誅公儻猶有忘年雅  
意乎尚爲我勉焉而舉一觴

祭興縣孫比部文

袁鏘珩代

山川盤鬱風氣攸萃復餘積慶挺茲國器弱不  
好弄耽情古處負笈霜寒鼓篋星曙時有世父  
先我而鳴曷不勉旃以勵厥成爰及戊子迺捷  
賢書雙珠聯璧齊鑣並驅南宮點額載上春官  
乙未之役看花長安彤庭獻策萬言倚馬通籍

金閨縹組輦下俄遷中翰占名鳳池旬試梁州  
桃李艷而以人事君 帝嘉乃庸俾擢民部用  
佐司農南顧潯陽權務孔殷疇其眠之廷推維  
君踰朞報政國課無負敢曰臣勞亦以追咎及  
瓜而代督庾彭城白雲在天瞻望涕零是戒雙  
車以迓二人薄言祿養載笑載嘯依依膝下追  
隨板輿 皇恩覃敷珠璣象褱榮於所生則友  
諸弟族大戶蕃閑之以禮宦游十載晉秩秋曹  
雅志忠直雪履冰操昊天不憇殲我聖善匍匐



歸來擗踊徒跣勉襄大事以慰嚴父集蓼茹荼  
予心則苦今夏之仲抱病不起越茲冬杪將厝  
蒿里余忝州守四歷年所追維平昔夙托縞紵  
嗟是永違能不潛然先期遣奠肅布几筵漆燈  
馬鬣落日荒墳一尊不腆侑此蕪文

